

Handsaming i Formannskap/økonomiutval - 19.02.2016

Framlegg frå Sp.:

Rådmannen sitt framlegg vert vedteke med fylgjande tilleggspunkt:

- Seljord kommune er negative til innretningen i det nye inntektssystemet, og at dette vert nytta som press for å få til kommunesmanslåingar.
- Vi ynskjer at inntektssystemet skal ta vare på kvalitetane ein finn i dei små kommunane, og ikkje berre fremje stordrift og sentralisering.
- Skatteutjamninga må vidareførast på dagens nivå.
- Småkommunetilskottet må rettast mot den enkelte kommune og ikkje gjerast avhengig av innbyggjartalet
- Ved mogleg innføring av eit inndelingstilskot må dette ha varig karakter utan nedtrapping

Samrøystes vedteke med 5 røyster

Vedtak i Formannskap/økonomiutval - 19.02.2016

Høyringsuttale frå Seljord kommune:

Revisjon av kostnadsnøkane

Revisjon av kostnadsnøkane, og vektinga av desse, er ein naturleg del av vedlikehaldet av inntektssystemet for å identifisere kostnadskriteria i den kommunale tenesteproduksjonen. Ein legg til grunn at dette arbeidet er godt fagleg grunngjeve.

Når det gjeld barnehagenøkkelen verkar dagens modell å vere godt innarbeid og relevant for kostnadsfaktorane i sektoren, og bør haldast på slik han er.

Gradering av basistillegget

Eventuelle kommunesamanslåingar skal tuftast på frivilligheit og ta omsyn til lokaldemokratiet. Inntektssystemet bør ikkje brukast som eit instrument i denne prosessen.

Å etablere gode modellar for å finne ut om kommunar eventuelt skulle vere såkalla "frivillig" eller "ufrivillig" små, kan synast vanskeleg. Om ein legg til grunn at strukturkriteriet skulle vere ein slik modell, er grenseverdien på 13,3 km den som i minst grad brukar inntektssystemet som økonomisk instrument i kommunereforma.

Regionalpolitiske tilskot

Dei regionalpolitiske tilskota bør oppretthaldast som i dag. Desse tilskota er ikkje utgiftsutjamning, korkje på kommunenivå eller tenestenivå, men verkemiddel for å oppretthalde ein desentralisert busetnad i Noreg.

Skattedel og skatteutjamning

For å sikre likeverdige tenester til innbyggjarane i heile landet, bør skattedelen vere låg og skatteutjamninga høg. Dagens skattedel på 40 % og skatteutjamning på 60 % med tilleggskompensasjon, er slik sett ein god modell som ikkje må svekkast.

Kommunal selskapsskatt

Ein kan ikkje sjå at det er god nok dokumentasjon for samanhengen (insitamenteffekten) mellom kommunal selskapsskatt og lokal næringsutvikling. Skulle ein likevel innføre at kommunane får ein del av selskapsskatten, må ikkje det føre til omfordeling av midlar frå næringssvake til næringssterke kommunar, slik at prinsippet om likeverdige tenestetilbod vert svekka.

Kompensasjon for endringar i inntektssystemet i 2011

Ein kan ikkje sjå at det kjem fram noko eksplisitt i høyringsframlegget om revisjon av denne kompensasjonen. Ein legg difor til grunn at kompensasjonen held fram.

Seljord kommune er negative til innretningen i det nye inntektssystemet, og at dette vert nytta som press for å få til kommunesmanslåingar.

Vi ynskjer at inntektssystemet skal ta vare på kvalitetane ein finn i dei små kommunane, og ikkje berre fremje stordrift og sentralisering.

Skatteutjamninga må vidareførast på dagens nivå.

Småkommunetilskottet må rettast mot den enkelte kommune og ikkje gjerast avhengig av innbyggjartalet

Ved mogleg innføring av eit inndelingstilskot må dette ha varig karakter utan nedtrapping.